

續資治通鑑長編卷六十三

宋 李燾 撰

眞宗

景德三年五月壬寅朔司天言日當食上避正殿不視
事百官各守其司旣而陰翳不見上語宰相曰此非朕
德所致但喜分野之民不被其災耳 司天奏周伯星
見羣臣上表稱賀知雜御史王濟乘間言於上曰瑞星
實符聖德然唐太宗以家給人足豐年爲上瑞臣願陛
下日謹一日居安慮危則天下幸甚上嘉納之會要四月二日
周伯星見及是司天乃奏今從實 斯多特遣其安化
錄祥符九年四月庚辰事當參考 郎將魯哩努來貢魯哩努病於館特詔尙醫視療及卒
上憐之厚加贈給

趙德明遣其兵馬使賀永珍來貢馬甲辰德明又遣其
兵馬使賀守文來貢先是向敏中及張崇貴與德明議
立誓約久未決德明雖數遣使修貢然於七事訖莫承
順累表但云乞先賜恩命徐議之時已有詔許德明毋
納靈州旣又賜敏中等詔諭德明止遣子弟宿衛及毋
得攻劫西路進奉蕃部縱有爭競並取朝廷和斷他約
悉除之然亦不聽回圖往來及放行青鹽之禁乙巳敏
中等言二事苟不如約恐乖前議請皆與之上以德明
變詐難信儻務姑息必貽後患復賜敏中等詔令熟計
復奏

丙午命知樞密院王欽若陳堯叟同修時政記每次月
十五日送中書度支副使李士衡言關右自不禁解

鹽已來計司以賣監年額錢分配永興同華耀四州軍而永興最多於民不便請減十分之四詔悉除之

先是內帑歲出緡錢三十萬助陝西軍費及士衡爲轉運使言歲計可自辦遂罷給上將幸洛士衡獻粟五十

萬斛又以三十萬斛饋京西朝廷以爲材故召令佐三

司士衡傳云上謁陵寢因幸洛士衡獻粟五十萬斛又

副使乃景德三年三月丙申謁陵寢幸洛實四年正月二日事本傳誤矣今略加刪潤使不相抵牾

有王太冲者初以專經中第罷宜黃主簿赴選調命爲

流內銓主事擢授大理評事時知制誥楊億知通進銀

臺司兼門下封駁事卽封還詔書以爲丞史之賤不宜

任清官不聽旣而太冲居職累歲無是裨贊丁未送審

官院令釐務外州楊億本傳載太冲事與實錄小不同今參取刪修初潤州

造羅務工人舊限十二日成一匹及王子興爲江淮制
置使勒減一日日限旣促工人不能充課歲終頗多咎
箠上聞之謂左右曰貪功邀進之人爲國生事豈可長
也乃詔復依舊限仍命劉承珪察京師庫務有類此不
便事條列以聞 萊蕪監判官歐陽晁求應賢良方正
而大言自薦以姬旦皋夔爲比且云使臣日試萬言一
字不改日覽千字一句不遺由是促召赴闕令中書試
五論三頌諸詩四十首其限萬言題旣出晁惶駭自陳
止應賢良不應萬言幸假貸乃以所上表示之晁不敢
復言至晡但成五論一頌共三千字旣奏御上令問表
中所陳條目晁伏躁妄之罪責授連州司戶參軍晁廬
陵人也 左諫議大夫陳省華卒省華辯智有吏幹妻

馮氏性嚴訓諸子尤力堯叟旣貴孝謹益不衰本富家
祿賜且厚然不許諸子事華侈堯叟掌樞密時弟堯佐
直史館堯咨知制誥與省華同在北省諸孫任官者十
數人宗親登科者又數人榮盛無比客至堯叟等皆侍
立其側客多不遑引去舊制登樞近者母妻卽封郡夫
人堯叟初拜以父在朝止封其妻而母但從夫邑封堯
叟表讓朝廷以彝制不聽省華卒旣逾年上欲褒封其
母以問王旦旦曰雖私門禮制未闕公朝降命亦無嫌
也乃封爲上黨郡太夫人後進封滕國年八十餘尙無
恙

戊申詔河北轉運司及諸州軍每詔赦事關機宜者謹
密行之勿付胥吏致其漏洩 虎翼軍使李緒屯青州

御下素嚴所部卒龐德自以多過憚其痛繩乃詣闕誣
緒令小校繕兵器訪山川道路謀爲寇盜上疑其詐遣
閣門祇候侍其旭械德至青州與通判魏昇鞫之且戒
旭事如不實卽斬德以聞至則具伏矯妄且言本謂朝
廷不復窮詰緒亦云部下所告罪名至重非聖上明察
使得詳辨則緒豈全要領感慨雨泣旭具以聞上謂左
右曰大凡獄訟無小大須爲明辨免及無辜也又以緒
治軍嚴整卽擢爲本軍都虞候知青州張齊賢奏旭擅
戮人上曰不爾無以安被告者

辛亥詔羣臣上殿奏事曰不得過五班如事干急速者
詣崇政殿尋又詔閣門祇候以上任西北緣邊川峽廣
南監軍者聽上殿自餘有公事令實封以聞

閣門詔在八月十三

日今聯
書之

京東頗有羣盜依阻山河爲民患遣使與轉

運使張知白等相視所部州軍分爲五路各置巡檢司

令督捕之府州折惟昌言威尼族大首領明葉從父

星結族先爲李繼遷所據授白池軍主近密遣使諭明

葉云德明雖外託修貢之名而黠閱兵馬尤急必恐劫

掠山界明葉以告上嘉之降詔撫諭就賜錦袍錦帶仍

令本路常加守備涇原儀渭都鈐轄秦翰知鎮戎軍

曹瑋等各請出兵討賊上以德明累遣使修貢慮失誠

信不許德明初請命于朝瑋言繼遷擅河南地二十年

邊不解甲使中國西顧而憂今方其國危子弱不卽禽

滅後更盛彊難制願假臣精兵出不意捕德明送闕下

復以河南爲郡縣時不可失朝廷方欲以恩致德明寢

其書不報

癸丑詔國子監學官月俸自今並給見錢

丙辰詔東京赤畿知縣令審擇其人月給宜從優厚各

增其俸有差

詔以晝龍祈雨法付有司鏤板頒下又

詔自今每遣使祈報悉給南海上等香以致精意

附見

給香前此

戊午知樞密院事陳堯叟起復故官堯叟表請終喪不

允上封者言諸路巡檢當擇武勇心力彊明者乞不

用福建荆湖江浙川峽及衙前省職文資出身人領其

事上謂王欽若曰人之勇怯豈限南北若此區別非任

人之道也

會要以事繫十七日

衡州防禦使樂平郡公德恭被疾上再臨視見其羸瘵

憂形於色其子承慶割股肉以食焉己未德恭卒上臨哭之慟贈保信節度使封申國公

庚申西涼府康古蘭家宗家咱隆當宗章密等十族來貢向敏中等言德明終未推誠恐難盡副元約但令遣長子親第宿衛京師及貢結誓表章自今毋得攻卻內屬蕃部縱有爭競亦當奏裁如詔書所指三事頗爲要切候其親弟到闕并得誓章則先許五事悉願與之姑務羈縻以緩爭戰可也上意許焉又慮德明空接續進奉肆其徼求在彼固無虧損而我漸失機會復賜敏中等詔令亟圖之并以邊臣及蕃部所奏德明迫脅攻卻事狀付敏中等且言所掠去蕃口縱不能給還亦當重作要約絕其後犯因促賀守文等入辭往詣敏中等

續資治通鑑長編卷六十三
面受詔書歸諭德明

辛酉撫州獻白烏詔還之給其道里之費

壬戌詔從行爲盜非元謀造意巨蠹者並奏裁

癸亥斯多特遣使言蕃部多疾乞賜白龍犀角硫黃安
息香白紫石英等藥并求弓矢皆可之藥同而名異者
令驛人辨說給付使者感悅而去乙丑又以斯多特所
奏族帳李貝通等四十九人爲檢校官充本族首領及
郎將有差

戊辰三司言富商大賈自江淮賤市杭稻轉至京師坐
邀厚利請官糴十之三不許

先是三館職事官多不時進用及上卽位郊祀止加階
勳故有累年官不遷者己巳詔京朝官任館職自至道

三年至今不遷官及衣緣二十年者悉以聞於是直集
賢院宋皋賜緋魚直昭文館陳充直史館張復直集賢
院季建中石中立皆以久次敘遷皋平棘人綬之父充
成都人建中洛陽人也 渭州言密鄂克延家碩克威
等族率三千餘帳萬七千餘人及牛馬數萬款塞內附
詔遣使撫勞之賜以袍帶茶綵仍授結彭族首領實布
格順州刺史充本族都軍主先是數大族者遣使詣鎮
戎求援將拔其部人來歸諸將皆猶豫不敢應知軍曹
瑋曰德明野心今不折其羽翼而長養之其飛必矣卽
日領騎士出石門薄天都山凡再宿悉徙其族帳以還
都鈐轄秦翰疏論瑋功有詔嘉獎

庚午河北安撫使何承矩等言昨準詔緣邊人戶自修

好後未復業者令安撫司招誘之臣慮北境猜忌以爲
招誘陷敵之人事體非便輒增水旱逃移等語使彼不
疑上覽之謂王欽若等曰可諭承矩自今宣敕如有未
便非機宜急速當具事疾置待報欽若因曰朝廷比置
安撫司固將招誘流民俾復農業而承矩等不能勤官
思職茲又擅改詔文援漢汝南太守蟲皇柔及太常周
仲居不收赤仄錢故事請罪承矩等上以承矩任邊有
功特優假之

六月辛未朔詔川峽民爲盜配軍者再犯至徒及情理
難恕並部送出界配諸州牢城

壬申詔諸路部署司禁兵逃亡捉獲及首身所在州軍
不得裁遣並送本司

丙子夔州路轉運使薛顏上新徙夔州圖且居言民占射官地請令歲輸地課錢二萬三千貫又言城中創造官舍或侵民田詔地課錢特免一萬貫所侵民田具頃畝以聞當除租給直 禁諸路轉運使副諸州長吏與部內官屬結親違者重寘其罪

丁丑京東轉運使右正言直史館張知白上疏曰司天奏周伯星見此聖德動天而辰象昭瑞也臣聞皇王之道在乎戒謹休祥薦至則抑畏滋甚蓋懼亂者治必興焉思危者安必久焉昔之君天下者患不恤黎元之疾苦不知軍旅之勤勞奢侈無窮田遊無度聲樂不節政事不勤壅蔽不除諫諍不納凡此八患陛下悉皆無有固已超絕於百代矣誠能日新其德雖休不休則瑞星

不出臣亦賀鴻祚愈隆而青史增光苟異於是則瑞星雖出臣亦不敢同眾人之賀也自古以還仗富彊之基居隆盛之運怠於政事以啟危亂者不可勝數況今西北二隅雖罷征戰之役然而比夫古者屈膝稱臣欵塞內附則亦事異而禮殊矣得不慮哉上覽疏嘉納謂輔臣曰知白以諫官在外而乃心朝廷可謂知所職矣特詔獎諭之趙德明復遣左都押衙賀永正等來賀戊寅詔東西兩川商稅鹽酒課利所納一分金宜罷之其願納者聽先是計司請令半輸銀帛外其二分入金上聞其地或不產故有是命增開封府司錄及六曹官月俸

己卯放河北修城軍士休息以暑甚故也令諸路轉

運副使所至揀閱州兵老疾者籍其數以聞

壬午除兩浙州軍稅鵝鴨年額錢

癸未詔通犀金玉帶除官品合服及恩賜外餘人不得服用內諸司使已下出入內庭不得服皂衣違者論其罪

戊子知制誥朱巽上言朝廷命令不可屢改自今有陳述利害更張法制者請先付有司議其可否如經久可行者行之不可者止之苟罔辨是非一切頒布恐失重謹之道上謂宰相曰此甚識治體卿等志之且事有可否執政者所宜盡言無有隱也詔三班院考較使臣以七年爲限嘗有徒以上罪者自赦後理年考課庚寅以殿中丞王旭同判吏部南曹旭旦之弟也自旦